

Pinnguarnikkut sammisaqarnikkullu eqqaamasaaseq sungiusaruk

Anette Prehn © Dafolo 2015-imi atuakkiaanit Hjernesmart pædagogik-imit isumassarsiorfigisaavoq.

Oqaatsinik pinnguarneq

Oqaatsinik alanngaarluni pinnguarneq eqqaamasaatsimut sungiusarnermut ilaavoq. Soorlu assersuutigalugu pinnguaat 'Sulinggiffeqalerpunga ...' misiliguk. Oqaaseqatigiimmi inuk ataaseq oqassaaq "Sulinggiffeqalerpunga, aamma kuffertinniittuutigivara ..." tamatumalu kingorna pigisamik allamik taasaqarluni. Pinnguarnermi inuup tullinnguuttup oqaaseqatigiit uteqqissavai aammalu oqaaseqatigiimmut pigisamik nammineq ilassuteqarluni. Oqaaseqatigiinnut tulleriiaarluni paarlakaallunilu pigisanik ilanngussisarnermi eqqaamannissinnaaneq ajornarsigaluttuinnassaaq. Qanoq takitigilersissinnaavisiuk?



Killormut oqaatigalugit aammattaq misililaarsiuk, imaluunniit aqaguani sapaatip akunneraluunniit qaangiunnerani qassit eqqaamasinnaanerlugit takusiuk.

Kimsleg

Meeqqap ataatsip (meeraqatigiilluunniit) piffissami aalajangersimasumi tigussaasut assigiinngitsut isiginnaassavai / -vaat, taamaalereerunilu / -llu tigussaasut asserneqassapput imaluunniit tigussaasuniit peersisoqassaaq, meerarlu / meeqqallu tigussaasut suunerinik amerlanerpaanik eqqaamanninniassaaq / -ssapput.



Kimsleg-imi allangorarnirit

Meeqqap ataatsip (meeraqatigiilluunniit) piffissami aalajangersimasumi pigisat assigiinngitsut isiginnaassavai / -vaat, Meeqqap / meeqqat tigussaasup peerneqartup suunera eqqaamaniarsarissavaa / -vaat.

Mumittakkat

Mumittakkat nalinginnaasut eqqaamasaatsimik sungiusaataasarput, eqqaamannissinnaanermi mumittakkat assigiinngitsut sumi inissisimanersut eqqaanissaanut eqqaamaniarneqartarmata.





Oqaluttuarneq

Meeraq misiginikuusaanik
atuarnikuusassinnilluunniit
oqaluttuarneqqiguk.

Stroop-test

Meeqqat stroop-testissapput, naqinnerit oqaatsit
allassimasut qalipaataat taaniarsaralugit, oqaatsimiit oqaatsimut tulleriiaarlugit. Oqaaseq
nipituumik atuarneqassanngilaq, oqaatsilli qalipaataa taaneqassaaq! Uani
pingaaruteqarpoq meeqqap ilitsersuutit eqqaamassammagit, pissutigalugu misiliinermi
qalipaataat taanagu oqaaseq atuarneqakkajuttarmat.

Pinnguaat arlaleriarlugu pinnguarisiuk ullullu ingerlanerini talliartortissinnaanerlugu
takullusiuk.

yellow	blue	green	blue
yellow	red	blue	red
green	red	yellow	yellow
blue	yellow	yellow	green
blue	green	green	red
blue	red	blue	yellow

* Pinnguarnerup aallartinnginerani meeraq qalipaatinik ilisarinnissinnaanngitsuunersoq
maluginiaruk.

Pisiniarneq

Pisinaaqatigiinnissinni meeraq pisiarisassassinnik aallertiguk.
Oqarfiginerani paasissutissanik arlalinnik tuniuk (meeqqap
pisinnaasaanut tulluurtumik). Assersuutigalugu: Immuk 2 literi, pastat
poortat ataatsit, tinguararlu ataaseq aasinnaavigit?

Taamaaliornikkut meeqqap suut aammalu qassit aassanerlugit
eqqaamaniassavai.





Nipilersorneq

Nipimik, nipilersuummik sivikitsumik, rytmilluunniit aappigit. Nipi meeqqamut eqqaamatiguk ilaartillugulu. Nipiliuutaasinnaavoq, kisianni aamma alussaatit, qisuaqqat qattamut arlaannulluunniit assingusumut igalaaminermulluunniit trommerluni assigiisaartumik tulleriissumik nipiliutgalugit atorreqarsinnaapput. Nipiliutit manniusat, assannik pattannerit tukkarerilluunniit aamma assigiisaartumik akuttussusilimmik nipiliutigineqarsinnaapput.

Qitinnermi ileqqut sivikitsut imaluunniit pissisaartarnerit taamatut atuuffeqarput. Meeqqat ilaannut timip atornera nipillu malinneri eqqaamannissinnaanermut iluaqutaasarput.

Apps-it

IPad-inut mobilinullu pinnguaatinik assigiinngitsunik meeqqat eqqaamasaataannut iluaqutaasinnaasunik sungiusaataasartunik peqarpoq. Assersuutigalugu app-eq mumittakkanik pinnguaat misiliguk (`vnedspil`imaluunniit `memory`ujaasissutigalugu). App-inut akeqanngitsut eqqaamaatinik sungiusaataasinnaasut ilai aakua:

Brainandmemory: Assiliartat tallimat eqqaamakkit assingilu toqarlugit.

Memory Match: Sorleq ikinnersoq eqqaamallugu.

iSays: Qulliit sorlermut tulleriaarlutik qaammartarnersut eqqaamallugit. Qulliit qalipaateqarlutillu nipeqarput.

Matching King: Mumittakkat assigiinngiiaartut aammalu inuit arlallit imminnut unamminissaannut periarfissallit.

Memorama: Mumittakkat uumasortallit aamma 25-nik assigiinngitsunik sapernassusillit.

